

朱希祖著

史館論議

臺灣學生書局印行

朱希祖著

史
館
論
義

臺灣學堂書局印行

史館論議 全一冊

著者：海鹽朱希祖

輯者：羅香林・朱俠

出版者：臺灣學生書局

本書局登記證字號：行政院新聞局局版臺業字第一一〇〇號

發行人：馮愛羣

發行所：臺灣學生書局

臺北市羅斯福路三段二九八號

郵政劃撥帳號二四六六號

電話：三二〇七・四二五三

精裝新臺幣一〇

定價 平裝新臺幣 七

中華民國六十七年五月景印初

版權所有・翻印必究

序

昔孔子因魯史承其策書赴告筆削而春秋左氏多見國史總百國寶書而作傳司馬遷紬金匱石室之書百年之間天下遺文故事靡不畢集父子相續而成史記自是以往蘭臺東觀記注著作世歷繇亘厥名各異而其事則一明之亡顧亭林有亡國亡天下之辨亡國者亡其一朝之政權亡天下則並與其國家民族歷史傳統禮樂名教文化而俱亡之有清二百六十年雖曰史學不昌抑朝有官司掌當代之典章野勤考覈脩舊史之弊漏蓋國之有史即所以長保一國之天下於不墜不毀臻顧全球惟我先民深洞斯義兢兢然先後保持而勿輟民國肇創一切改為而二



千載史脈亦於以同斬此非大可驚嘆之事乎猶憶某年暑初見
 餘杭章太炎先生於具蘇州之廬廬申而往戌而歸太炎具盛饌
 抵掌無所不言余有問聞政府有意邀先生出長國史館亦有意
 乎太炎笑曰那有此即有之亦不往余曰何意之決也太炎曰予
 好罵是烏可余曰此先生私人出處姑捨弗論抑世變日新二十
 五史盡貫迄清而止我儕將何以革新史先生亦厝意及斯乎太
 炎蹙額搖首有間徐曰此後當不再需有史君謂猶需有史耶遂
 狂笑更端而他及然余於此事終往來胸中勿能置竊謂著作俟
 之能者而一國之史料當如何而徵集之又于何而度藏之復若
 何而部勒整理之史官蓋職將奈何而改弦更張之使前無所守

則後來者何述。因念寶齋章氏有方志體同國史之論。今各縣方
競設圖書館博物院。何不因新制。融舊規。別闢一室。專搜羅其本
縣之典籍器物。著作產造。博及天文地理。氣候物宜。建置交通。工
藝美術。風俗習尚。信仰禁忌。人物家世。流移遷轉。攝影造像。標本
圖表。測量統計。一切皆附。而推擇具縣之耆賢學人。組委員會。各
以所長。分司編纂調查保管記錄之責。而凡縣之大事。災祥變故。
興革利病。並皆按時書之。遵類例而條董之。積歲月而刊布之。此
卽一縣之志。亦卽一縣之史也。藏一縣之往。可知一縣之來。使觀
者於是乎得所興瞻。學者於是乎得所研翫。教者有所指陳。作者
有所漁獵。而一縣之治者議者。亦於是乎而有所參稽依據。聚一

縣之史跡，使其常存而日富，而成一縣之史志，使其常新而毋勞。於是循縣而上之，則為省，有省立圖書館，省立博物院，則省通志局可以不設。又上而為國，有國立圖書館，國立博物院，則一統志與國史之任務亦皆兼焉。復循縣而下而散之，則凡古蹟名勝，興築建造，事屬傳久，可成史跡，莫不別設館院，以為之藏。如曲阜有孔林，則設孔林圖書館，孔林博物院。凡有關孔林史跡，資考索者靡不備，固以為隨時修孔林新志之需。此即孔林之史藏。又如長城史藏，可設於居庸，遼河史藏，可設於臨清。如是類推，凡國家民族文化績業之成跡，而可傳者，莫不為之設專藏，使可以目擊而心游，使可以徵文而驗物，使一國之史，粲然朗然，如列眉目。昔者

一代之史，掌諸一官。今則一國之史，藏之通國。而史職權，則轉歸于社會。于學術團體。又明著之於國家之憲章，懸為定制。政府不加干預。此其意，亦我先民所素有，且已見之於制度行事。而特因時勢之變而變通之焉耳。雖若茲事體大，而各地史之藏固可逐步而興脩，復可相摩而漸進。他日國史之弗墜益昌，其將由夫斯道。余懷此意，偶以語之人，而時值亂喪，聞者勿有。今年夏，羅君香林，袖其婦翁海鹽朱遏先先生所為史館論議示余，書分兩篇，凡創立國史館，搜集史料，貯備史才，編纂史例，事體大者，靡所勿論。而以廣東通志略例附。羅君告余，此稿方謀梓行，予試為序之。遏先先生乃太炎及門，治史有名，余讀其書，凡所論列，皆有根據，然

亦身當其事，不得于言而退者。昔唐太宗嘗欲觀起居注，朱子詹
曰：「恐聞後世史官之禍。」魏謩亦曰：「若陛下下一見，自此執筆者須有
迴避，史官之全身畏死，亦人之常情。而古者僅避一帝王，今則政體
改制，一黨之逆鱗，豈翅頸下之盈寸？良史難為，視昔尤甚。」太夫所
謂「不需有史」，此雖一時之憤辭乎？或具意指官吏之不可有而言，
而私史又不勝具刺，一手之烈，難期總攬，則又何如提倡為公史。
國史者，公史之通，方志者，公史之別。抑雖有公史，無害私史，官吏
之互存而並見，則所謂「國史館舊統」，將僅限於政府之官吏，當與
公史私史分雁行相鼎足。而此書所論，固可推陽三反，亦不專為
官吏設也。讀既畢，竊有感於往懷，爰備書以應羅君，並以爲稔之

讀者民國四十二年國慶紀念後五日錢穆謹序于九龍新亞書院

史館論議目次

序



卷一 上篇

建立總檔案庫籌設國史館議

代

國史館籌備委員會組織大綱

改國史館為國史院議

史官名稱議

鑑別史學人才條例 闕

國史長編釋例書名字職位例 闕

國史長編釋例記年月日時例 闕

脩史三戒 闕

駁宗書晉著作佐郎到職必撰名臣傳一人說

史闡考

駁史通元魏著作局及脩史局說

卷二 下篇

國史事例雜議質疑一

國史事例雜議質疑二

國史事例雜議質疑三

卷三 附錄

廣東通志略例

廣東通志總目

廣東通志總目說明書

朱邊先先生行狀

跋

史館論議卷一 上篇



海鹽朱希祖

建立總檔案庫等設國史館議

代

中國國史不可自吾黨而絕。猶中國國祚不可自吾黨而亡。
良緣民族之所以悠久。國家之所以綿延。全賴國史為之魂魄。
美洲之紅種。非^洲之黑人。中國之蠻蠻。日本之蝦夷。惟具無歷史。所以
不能建立國家。蕃衍種族。周之撮抗。漢之匈奴。唐之突厥。清之準
噶爾。其建國不可謂不大。其種性不可謂不強。惟其無歷史。所以
故國永淪而不復。人種華離而日衰。中國在宋末曾滅於元。不百

年而復在明末又滅於清，不三百年而復，蓋吾族自有其歷史，決不甘屈服于他族之下。是故亡史之罪，甚于亡國。亡國而國史不亡，則自有復國之日。何則？其魂魄永存，決不能消滅也。自古以來，滅人之國，必以其歷史為先務，端緒於此。古人有言：國必自伐而後人伐之，則史必自滅而後人滅之。自滅者，蔑棄史料，不脩國史，如獮狁以至準噶爾是也。人滅者，尊重史料，常脩國史，雖為敵國禁燬而終有副本流傳，不可終滅，如清乾隆禁燬明季歷史以及史料是也。德國大哲黑格爾不喜讀中國歷史，以其篤守舊常，不務進化，人類邁進之精神，讀此反為其阻滯。此則吾人當改革羣化，創造新史，以一雪此耻。然黑格爾之撰歷史哲學，則又以吾國

為首創歷史排列有史國家終擢吾國為第一且謂蒙古雖統一亞洲侵蝕歐土然于歷史無其地位印度之亡亦以不重歷史惟中國綿延不絕者端賴歷史悠久取精多而用物宏其勢然也然則自吾祖宗締造歷史歷代賡續未有中絕重四五十年而光明天壤世界各國無與倫比國土之大人口之衆皆受歷史精神融鑄斷然不可分割為子孫者豈可妄自菲薄不為之繼續撰述傳之無窮而自儕於無史國家乎夫欲續歷史不可不設國史館欲保存史料不可不設檔案總庫蓋國家檔案為史料之淵海國史之根柢實為至高無上之國寶當局締造經營之苦心寄焉國民勞苦建設之精神繫焉故保存之方尤宜盡力講求今分別規劃

如左。

中華建國以來，南北政府檔案，以不甚重視，散佚不少。國民政府成立以後，行政院曾在南京設檔案庫，以收藏北政府之內閣及各部殘存檔案。抗戰以來，行都設於重慶，當倉皇播遷之時，自國府以及各部院會檔案，聞亦有散佚棄去者，淪陷區之有府檔案，更無論矣。其北平蓋閣部檔案，恐又不免遺失。以國家如此重寶，付之於不知愛惜者之手，宜其棄之如敝屣也。吾國歷代史官制度，史籍撰輯，記載頗詳，惟平日保存政府檔案，以為史料淵源者，略而不記。惟宋史職官志有主管架閣庫、掌儲藏帳籍文案，以備用，選擇人，有時望者為之，蓋有管幹架閣庫官，宣和罷之，紹